

Povdiittâs kirjeráájun!

Kirjerájukorttâ lii juáhážân

- » Puoh Suomâ kieldâin lii kirjerááju tâi kirjerájupalvâlusah.
- » Kirjerájukoortâ finnee juáháš, kiäst lii Suomâst čujottâs.
- » Párnái kirjerájukorttâ ij määvsi maiden.

Meid rävisolmooš finnee vuossâmmu kirjerájukoortâ nuuvtá. Tun puávtáh haahâd kirjerájukoortâ meid umogâžân.

Sämikielâlâš kirjerááju

Sämikielâlâš kirjerááju (Suomâ sämmilâš sierânâskirjerááju) Ruávinjaargâst lii puohháid áávus. Čuágáldáh lii ohtâ Tave-enâmiij vijdásumosijn. Tot ana sistees kirjálâšvuodâ, muusik, elleekuuvijd já äigipajeloostâid. Vâldiuási amnâstuvâst lii tavesämikielân, anarâškielân já nuorttâlâškielân. Čuágáldáhân kuleh ton lasseen lostâčuápus-, kárttá-, poster- já härvinâškirječuágálduvah. Sämičuágálduvah láá meid sämikuávlv kirjeráájuin. Amnâstâh lii uuccâmnáál Laapi kirjeráájui Finnaast (lapinkirjasto.finna.fi) já luoihâtemnáál amnâstâh toimâttuvvoo Suomâ eres kirjeráájoid.

Kirjerááju iššeed!

Kirjerááju áámmátliih išsedeh mielâstis kavnáđ hiäivulii luhâmuš. Tun puávtáh kojijâdiđ sist avžuuttâsâid, et magareh kirjeh suápih jieškođe-uv ahasijd párnáid teikkâ lohtâseh monnii tiätu fáádán.

SUOMEN
KIRJASTO
SEURA





Kirjeh puohháid umogáást äijihân

Kirjeráajust láá kirjeh puohahasij várás. Umogái já váhá puárásub párnái várás láá keččámkirjeh, main láá assaas siijđoh já čielgâ koveh. Láá umogâškukkâseh já kuhâskirjeh, laavlâkirjeh, kovekirjeh já satuh. Maangah kirjeh meid mainâsteh argâpiäiválijn aasijn, nuuvt ko uáđimist, peivikiäjust, tuáhtârân monâmist, jieškuudjinvlágán tobdojn já perruid lohtâšuvvee nubástusâin.

Tiätukiirjij peln vanhimeh pyehtih luoihättid párnáá šoddâmân lohtâšuvvee kiirjijđ já uáppáid. Kirjeráajuin láá meid loostah, muusik, jienâkirjeh, e-kirjeh, elleekoveh já speelah sehe párnái já sii vanhij várás.

Umogâškukkâseh já mainâstempuudah

Tuu aldakirjeráajust sáttá leđe sierânâs ohjelm umogái já uccpárnái várás. Koiđâd jieijâd kirjeráajust, et uárnejeh-uv sij umogâškuhâspuudâid, satupuudâid, timmâellei iijâid tâi eres ohjelm párnái várás. Kirjeráaju ohjelmeh láá mávsuttemeh já áávus puohháid. Kirjeráajust ij taarbâš leđe siijvost!



Ko luuhâm lii vaigâd

Kirjeráajust puáhtá luoihättid meid čielgâsuomâkielân čallum kiirjijđ, moi kielâ já rááhtus láá älkkeebeh ko almoskielâst. Čielgâkiirjijn puáhtá leđe ävkki meid tunjin, kiän suomâkielâ ij lah eenikielâ.

Jis táváljij kiirjij luuhâm oro vaigâdin ovdâmerkkân luuhâmvädisvuodâ tâi oppâmvädisvuodâ tiet, te piivde kirjeráajust tubdâlduvâid Celia mávsuttes jienâkirjepalvâlus várás. Celia jienâkirječuágâlduvâst lii luuhâmuš puohahasij várás. Mušte, et jienâkiirjijđ puáhtá luuhâđ meid oovtâst párnáin.

**TIERVÄPUÁTTIM UÁPÁSMUĐ JIEIJÄD ALDAKIRJERÄÄJUN!
ÁÁVUSORROOMÄÄIGIH JÄ OHTÄVUOTÄTIÄĐUH LÄÄ TUU
PÄIKKIKIELÄ VIERMISIJĐOIN.**